




古今遊名山記卷之九

南嶽衡山

南嶽衡山 衡山者五嶽之南嶽也其來尚矣至于軒轅乃以鸞霍之山爲其副焉故爾雅以霍山爲南嶽至漢武南巡又以衡山南遠道隔江漢於是乃徙南嶽之祭于廬江廬山蓋昔承軒轅爲副之義也故南嶽衡山朱嶽之靈臺大虛之寶洞上承冥宿鎗德鈞物故名衡山下踞離宮攝位火籙齊帝館其崇祝融寄其陽故號南嶽周旋數百层高四十一丈東南臨湘川自湘川至長沙七百里九向九背然後不見禹治水登而祭之因夢女夷使者遺獲金簡玉字之書得治水之要山有三峯其一峯名芙蓉有一雙白鶴徊翔其上二峯名石固下有石室中常聞誦誦聲一峯名芙蓉上有泉水飛流如舒一幅練山海經云衡山一



大谷光瑞氏書